

# Ботқоқликлар гидрологияси

Режа:

1. Ботқоқликларнинг пайдо бўлиши, марфологияси ва турлари.
2. Ботқоқликларнинг тўйиниши , гидролигик режими ва сув баланси.
3. Ботқоқликларнинг дарёлар сув режимига таъсири.

- \* Ботқоқликлар ер сирти юза қатламларининг ортиқча намликка эга бўлиши натижасида ҳосил бўлади. Уларда торф ҳосил бўлиш жараёни мавжуд бўлиб, ортиқча намликка ҳамда тупрокда кислород етишмаслигига мослашган ўсимликлар ривожланади.
- \* Ерюзасида ботқоқликларнинг умумий майдони Н.Кац маълумотларига кўра 350 млн.гектардан ортиқдир. Ботқоқликларнинг кўп қисми Осиё, Европа ва Шимолий Америкада жойлашган. Давлат гидрология институти (ДГИ) маълумотларига кўра, собиқ Иттифоқ давлатлари ҳудудида ботқоқликлар майдони 210 млн.гектар ( $2.1$  млн  $\text{км}^2$ ) га teng. Шунинг  $0.6$  млн  $\text{км}^2$  ёки  $12\%$ и Европа қисмига,  $1.5$  млн  $\text{км}^2$  ёки  $9\%$ и Осиё қисмига тўғри келади.
- \* Ботқоқликларнинг шаклланиш ва ривожланиш босқичларига боғлиқ ҳолда қуйидаги икки ҳолат бир биридан фарқ қиласи:
  - \* 1. Ботқоқлаша бошлаган ерлар;
  - \* 2. Ботқоқлик масивлари.

- \* **Ботқоқлаша бошлаган ерларда** торф қатлами юпқа бўлиб, кўпчилик ўсимликлар унинг остида жойлашган тупроқ грунтлардаги минераллардан озиқланади. Ботқоқлаша бошлаган ерлар ботқоқликлар шаклланишининг бошланғич фазаси бўлиб, улардан ўсимликлари билан фарқ қиласди. Бу ўсимликларнинг илдизи минералларга бой бўлган грунтларгача етиб боради ва шу туфайли озиқланиш шароити ҳам етарли даражада бўлади.
- \* Ер сиртининг ботқоқликлар эгаллаган ва торф қатламлари билан чегараланган қисми **ботқоқлик массивлари** деб аталади. Ботқоқлик массивлари *оддий* ва *мураккаб* кўринишда бўлади.
- \* **Оддий ботқоқлик массивлари** ягона ботқоқлаша бошлаган ерларда ҳосил бўлади. **Мураккаб ботқоқлик массивлари** эса бир неча оддий ботқоқлик массивларининг катталashiши ва қўшилишидан ҳосил бўлади.

Ботқоқликлар қуйидаги белгилар бүйича таснифланади:

- \* - Сув- озиқланиш шариотига боғлиқ ҳолда;
- \* - Ўсимликларига боғлиқ ҳолда;
- \* - Ер сирти релефида жойлашишига боғлиқ ҳолда.

Ботқоқликларининг қуйидаги 3 тури фарқланади:

- \* 1. Пастқатламликлардаги ботқоқликлар – **эвтроф ботқоқликлари;**
- \* 2. Оралиқ турдаги ботқоқликлар – **мезотроф ботқоқликлар;**
- \* 3. Дүнгликлардаги ботқоқликлар – **олиготроф ботқоқликлар.**

**Пастқатламликлардаги ботқоқликлар** сув ҳавзаларида ўсимликларнинг жадал ривожланиши натижасида шаклланади. Улар дарёларнинг қайирларида, ер сирти ботикларида тарқалган.

**Оралиқ турдаги ботқоқликлар** пастқатламликлардаги ботқоқликларнинг ривожланиши натижасида ҳосил бўлади. Бунга асосий сабаб биринчи турдаги ботқоқликларда ўсимликларни тез ривожланиб, сув билан тўйиниш шароитига салбий таъсир кўрсатишидир. Шу туфайли оралиқ турдаги ботқоқликларда янги хил ўсимликлар ҳам пайдо бўлади.

**Дўнгликлардаги ботқоқликлар** оралиқ турдаги ботқоқликларнинг янада ривожланиши натижасида ҳосил бўлади. Улар факат атмосфера ёғинларидан тўйинади.

Ботқоқликларнинг тўйиниши, гидрологик режими ва сув баланси қўйидаги омиллар билан аниқланади:

- \* - Ботқоқликларнинг тўйиниш шароитлари;
- \* - Ботқоқлик ҳудудларида ер ости сувлари сатҳининг тебраниши;
- \* - Буғланиш жараёнлари ва унга таъсир этувчи омиллар;
- \* - Сувнинг ҳаракати ва унинг йўналишлари;
- \* - Ботқоқликдан оқиб чиқадиган сув микдори;
- \* - Ботқоқликни музлаш ва эриш жарёнлари.

Ботқоқликларни тўйинтирувчи ва ундан сарфланувчи элементларни ҳисобга олиб, сув баланси тенгламасини қўйидаги кўринишда ёзиш мумкин:

$$* \quad X + U_1 + U_2 + U_3 + U_4 + E + \Delta W = 0$$

Бу ерда  $X$  – атмосфера ёғинлари;  $U_1$  - ботқоқликларга дарёлар ва уларнинг тармоқларидан қўшиладиган сувлар;  $U_2$  - батқоқликка атрофдан қўшиладиган юза ва грунт сувлари;  $U_3$ - ботқоқликдан оқиб чиқадиган дарё сувлари;  $U_4$  - ботқоқликдан ён атрофидаги қурукликка сизиб ўтадиган сувлар;  $E$  - ботқоқликдан ялпи буғланиш;  $\Delta W$  - ботқоқликдан намлик захирасининг ўзгариши.

К.Е.Ивановнинг олиб борган кўп йиллик тадқиқотлари натижасига кўра, ботқоқликларда йилнинг иссиқ ярим йиллигига (май - октябр) сув балансининг чиқим қисми – оқимга 20%, буғланишга 80% сарфланади. Буғланиш асосан май – июл ойларида кузатилади. Ботқоқликдан бўладиган юза оқим ёз даврида (июн - август) жуда кам, буғланишга нисбатан борйўғи 5% ни ташкил этади.

Ботқоқликда оқим қишки – баҳорги ярим йилликда ортади ва йиллик йигиндига нисбатан 75% ни ташкил қиласди.

Хозирги кунда ботқоқликлар юзасидан бўладиган буғланиш микдорини хисоблашда Давлат Гидрология институти(ДГИ) ишлаб чиққан куйидаги ифодадан кенг фойдаланилади:

$$Z = \alpha R_b$$

Бу ерда:  $Z$ - ойлик буғланиш микдори, мм/ой;  $R_b$  - радиация баланси, кал/см<sup>2</sup>;  $\alpha$  - ботқоқлик микроландшафти ва вегетация даврини хисобга оладиган коэффициент.

Ботқоқликларнинг дарё оқимиға ва унинг йил давомида тақсимланишига таъсири, биринчи навбатда, уларнинг турлари, географик ўрни ва иқлим шароити билан аниқланади.

Дарё ҳавзасида пастқатламликлардаги, яъни эвтроф ботқоқликларнинг бўлиши уларнинг оқимини камайтиради. Бунинг сабабини ботқоқликда мавжуд бўлган сувнинг катта қисмнинг буғланишга ва транспирацияга сарфланиши билан тушунтириш мумкин. Бу ҳолат намланиш барқарор бўлмаган ва этишмайдиган ҳудудларда, айниқса, сезиларли бўлади.

Дўнгликлардаги, яъни олиготроф ботқоқликларда баҳорда юза оқим кузатилмайди, эриган қор сувлари тўлалигича ботқоқликларда шимилади. Шу туфайли баҳорда улардан оқиб чиқадиган жилғаларда сув сатҳи кескин кўтарилиб, уларнинг сувлилиги ортади. Бу жараён ботқоқликда тўпланган эркин сувлар захираси тугагунча давом этади. Демак бундай ботқоқликлар дарёларнинг межен давридаги оқимини кўпайтирмайди.

Ботқоқликлар дарё оқимиға турлича таъсир кўрсатади. Ботқоқликлар намлик етарли ва ортиқча бўлган ҳудудларда дарёларнинг ўртача кўп йиллик оқимиға деярли таъсир етмайди. Бироқ уларнинг максимал оқимини камайтиради, минимал оқимини эса, аксинча, қисман кўпайтиради.

Йирик ботқоқлик массивларида улардаги эркин сувларнинг тўпланишидан ҳосил бўлган кўллар ҳам учрайди. Бу кўллар маълум даражада дарё оқимини бошқариб туради.

Ўрта Осиёда ботқоқликлар, асосан, дарёлар водийларида, уларнинг конус ёйилмаларининг теварак – атрофларида ва пастқам жойларда учрайди. Кўпчилик ҳолларда, айниқса, текисликларда кўллар билан ботқоқликларни бир – биридан ажратиш анча мураккаб. Бунинг сабаби шундан иборатки, йилнинг маълум даврларида, тўйиниш шароитига боғлиқ ҳолда, айрим кўллар ботқоқликларга ва аксинча ботқоқликлар кўлларга айланиб туради.

Ўрта Осиё ботқоқликларидаги ўсимликлар, асосан, құға, қамишдан иборат. Торф қатламлари камдан кам ботқоқликларда учрайди ва улар жуда юпқа.

Текисликларда шўр босган ботқоқликлар кўп учрайди. Улар, асосан, пастқам жойларда айниқса, шўр каналларда, қадимий дарё водийларида ва кўлларнинг соҳилларида тарқалган. Шўр босган ботқоқликларнинг сув режими анча мураккабдир. Улар шўр кўлларнинг қуриб бориши натижасида ҳосил бўлади. Умуман олганда, Ўрта Осиё ботқоқликлари яхши ўрганилмаган.